



PROGRAM PODRŠKE MARGINALIZIRANIM GRUPAMA (PPMG)

MART 2017.

ZA PODRŠKU BIZNISA MARGINALIZIRANIH GRUPA ŽENA OSIGURANO 680.000 KM

Program podrške marginaliziranim grupama Američke agencije za međunarodni razvoj USAID (USAID/PPMG) osigurao je sredstva u iznosu od 680.000 KM za Fond za podršku razvoju biznisa marginaliziranih grupa žena.

Sredstva su namijenjena za pomoć ženama žrtvama nasilja, ženama s invaliditetom, majkama osoba s invaliditetom, te nezaposlenim mladim ženama.

Javni pozivi za dodjelu sredstava za podršku u razvoju biznisa marginaliziranim grupama žena raspisani su u: Konjicu, Tesliću, Tešnju, Zvorniku, Rudom, Prijedoru, Livnu, Kalinoviku i Visokom.

Pomoć je usmjerena marginaliziranim grupama žena koje su u dugoročno nepovoljnom položaju i koje se, prema brojnim statističkim podacima, svakodnevno dovode na margine društva.

Iako žene čine 51,9 posto radno sposobnog stanovništva, udio žena na tržištu rada u Bosni i Hercegovini je 43 posto i najniži je u regiji, a nizak je i u odnosu na svjetski prosjek od 52,5 posto.

Žene u prosjeku zarađuju manje od muškaraca, a malo njih se odlučuje upustiti u svijet poduzetništva.

I kada se žene bave biznisom, uglavnom su to

tradicionalni sektori trgovine ili uslužnih djelatnosti. Postoji ogroman neiskorišteni kreativni potencijal među ženama, pa je važno ohrabriti ih da pokrenu samostalni biznis, i tako pomognu sebi, svojoj porodici, ali i široj zajednici.

Kreiranjem Fonda između USAID/PPMG i partnera nastoje se stvoriti prilike za održivi razvoj preduzetništva marginaliziranih grupa žena, kroz poticanje na samozapošljavanje, te njihovo veće i lakše uključivanje u poduzetništvo i kreiranje novih radnih mjesta.

TUZLA DOBILA SERVIS CENTAR ZA PORODICE DJECE I OSOBA S POTEŠKOĆAMA U RAZVOJU



U tuzlanskom naselju Mejdan sa radom je počeo Servis centar za porodice djece i osoba s poteškoćama u

SADRŽAJ

Za podršku biznisa marginaliziranih grupa žena osigurano 680.000 KM	1
Tuzla dobila Servis centar za porodice djece i osoba s poteškoćama u razvoju	1
Osobe s invaliditetom i dalje jedna od najmarginalizovanijih kategorija građana	2
Održana obuka u Visokom za pisanje biznis plana u sklopu Fonda za razvoj biznisa marginaliziranih grupa žena	3
Podrška FK Željezničar za PPMG	3



USAID
OD AMERIČKOG NARODA

razvoju SOCI. Riječ je o centru koji nudi besplatne usluge za pripadnike jedne od najmarginaliziranijih i najranjivijih grupa u bh. društvu, kao i članovima njihovih porodica.

Centar korisnicima osigurava boravak od četiri sata dnevno tokom kojeg su im na raspolaganju psiholozi, defektolozi i socijalni radnici, zatim kreativne i inkluzivne radionice i muzikoterapiju, dok je za porodice djece i osoba s poteškoćama u razvoju osigurana pravna pomoć, savjetovanje te pomoć u kriznim situacijama.

Cilj ovog centra je osnaživanje porodice u cijelosti, s obzirom na to da u našoj zemlji, nažalost, ne postoji sistemska podrška porodicama koje među svojim članovima imaju i osobe sa smetnjama u razvoju.

Servis centri za podršku porodicama djece i osoba sa invaliditetom ranije su otvoreni i u Sarajevu, Banja Luci i Foči. Ovaj Servis centar je poseban upravo zbog toga što cijeloj porodici pruža podršku koju nigdje drugo ne mogu dobiti.

Uspostavljanje Servis centra podržali su USAID-ov Program podrške marginaliziranim grupama (USAID/PPMG) i Grad Tuzla, a inicijator osnivanja je Udruženje za ljudska prava i socijalnu inkluziju (Socl) iz Tuzle. Udruženje za ljudska prava i socijalnu inkluziju (Socl) brine o osobama koje nisu dovoljno socijalno uključene, te im pomaže da ostvare svoj puni potencijal.

OSOBE S INVALIDITETOM I DALJE JEDNA OD NAJMARGINALIZOVANIJIH KATEGORIJA GRAĐANA

Sporazum o zajedničkom radu i djelovanju potpisale su kantonalne koalicije organizacija osoba s invaliditetom u okviru okruglog stola „Zajedničko djelovanje, najefikasniji način zagovaranja za poboljšanje položaja osoba sa invaliditetom u društvu“, koji je održan 9. i 10. marta 2017. godine u Sarajevu.

Sporazumom su regulisani osnovni principi saradnje, zajednička područja djelovanja i ono što će u narednom periodu zagovarati kao partneri institucija vlasti na

rješavanju problema osoba s invaliditetom.

Kako je naveo sekretar koalicionog odbora Koalicija osoba s invaliditetom Suad Zahirović, organizacije su, nakon dugogodišnjeg zajedničkog rada u Federaciji BiH na promociji i implementaciji Strategije za izjednačavanje mogućnosti za osobe s invaliditetom 2011-2015 i Konvencije o pravima osoba s invaliditetom UN-a, odlučile da saradnju podignu na viši nivo.



“Osobe s invaliditetom su i dalje jedna od najmarginalizovanijih i najisključenijih kategorija građana BiH. Oni i njihove porodice su među najsiromašnijim građanima, a od najranije dobi su isključene iz oblasti obrazovanja, ne pripremaju se adekvatno za posao u budućnosti i dugoročno su isključene iz tržišta rada zbog čega dugoročno i ovise o programima socijalne zaštite” – istakao je Zahirović.



Osobe s invaliditetom svakodnevno se suočavaju s različitim barijerama, od arhitektonskih, informacijskih, do onih koje se odnose na predrasude o njihovim mogućnostima i pravima.



USAID
OD AMERIČKOG NARODA

Kantonalne koalicije organizacija osoba s invaliditetom formirane su u okviru programa implementacije Strategije za izjednačavanje mogućnosti za osobe s invaliditetom 2011-2015, koji je finansiralo Federalno ministarstvo rada i socijalne politike, a provelo Udruženje slijepih KS-a. Cijeli događaj podržao je USAID-ov Programa podrške marginaliziranim grupama.

ODRŽANA OBUKA U VISOKOM ZA PISANJE BIZNIS PLANA U SKLOPU FONDA ZA RAZVOJ BIZNISA MARGINALIZIRANIH GRUPA ŽENA

Sve zainteresirane potencijalne korisnice iz Visokog koje imaju namjeru aplicirati za dodjelu sredstava za podršku biznisu marginaliziranim grupama žena imale su priliku saznati više o samom procesu prijave.



Obuka u okviru Fonda za razvoj biznisa marginaliziranih grupa žena održana je 28. marta 2017. godine u prostorijama Općine Visoko, a svi prisutni imali su priliku dobiti informacije o elementima prijavnog obrasca u sklopu kojeg je potrebno predstaviti poslovnu ideju i aplicirati na javni poziv koji je objavila Općina Visoko, a u sklopu zajedničkog Fonda za razvoj biznisa marginaliziranih grupa žena Općine Visoko i USAID/PPMG.

Prijavni obrazac sadrži pitanja o procesu realizacije eventualnog biznis plana, tako da su obuke i razgovori sa stručnjacima/kinjama od iznimne važnosti za uspješnu prijavu.

Između ostalog, potrebno je opisati očekivanja u naredne tri godine, pokrivenost tržišta, proizvode ili usluge, karakteristike proizvoda/usluga.

Za podršku razvoju biznisa marginaliziranih grupa žena u Visokom osigurano je 44.000 KM.

telefona 033 778 767 ili e-mail adrese amila.dedic@ppmg.ba.

PODRŠKA FK ŽELJEZNIČAR ZA PPMG

USAID-ov Programu podrške marginaliziranim grupama u martu je dobio podršku I od najtrofejnijeg bh. kluba - Fudbalskog kluba Željezničar.

Kroz segment programa koji podrazumijeva podršku osobama sa intelektualnim poteškoćama u njihovom uključivanju u lokalnu zajednicu. Na jednoj od utakmica kluba sniman je i video o jednom od štićenika SUMERo-a - Saveza organizacija za podršku osobama s intelektualnim teškoćama Federacije Bosne i Hercegovine koji je izlazak iz Zavoda za zbrinjavanje mentalno invalidnih osoba iskoristio upravo za odlazak na utakmicu Željezničara.

Programu podrške marginaliziranim grupama (USAID/PPMG) podržao je aktivnosti SUMERo-a na jačanju procesa deinstitucionalizacije osoba sa invaliditetom i sistema podrške u lokalnoj zajednici.



USAID - Program podrške marginaliziranim grupama (PPMG)

Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba